

The Fear of the Lord



Lworo Rwot obedo lanyut me ryeko, ma miyo kuc ki yot kom bedo maber; gin aryo ni ducu obedo mic pa Lubanga: ki medo yomcwiny pa jo ma maro en. Lwit ryeko en aye lworo Rwot, jange miyo kwo bedo pi kare malac.
ECCLESIASTICUS 1:18,20

Nen yalwak macon, ci inen; tika ngat mo obedo ki gen i kom Rwot, ci onongo lewic omako? nyo tye nat mo ma obedo i lworone, ci oweke woko? nyo anga ma en yam ocayo, ma olwonge? Jo ma gilworo Rwot pe gibikwero winyo lokke; dok jo ma gimare gibigwoko yone. Jo ma gilworo Rwot gibiyenyo gin maber, ma yomo cwinye; ki jo ma gimare gibipon ki cik. Jo ma gilworo Rwot gibiyubo cwinygi, gibimwolo cwinygi i nyime kun giwaco ni, 'Wabipoto i cin Rwot, pe i cin dano. ECCLESIASTICUS 2:10,15-18

Lworo Rwot cito ma peya inongo twero, ento bedo ki cwiny me gero ki awaka aye rwenyo twero. Jo madito, ki lungolkop ki wegi twero, gibiketo deyo i komgi; ento pe tye ngat mo i kingi ma dit makato ngat ma lworo Rwot.
ECCLESIASTICUS 10:21,24

Pe ilwor, latinna, ni wadoko lucan, pien in itye ki lonyo madwong, ka ilworo Lubana, ka ibwoto bal ducu, kun itimo gin ma yomo cwinye.
TOBIT 4:21

Wulwor Rwot keken, wuti bote ki ada ki cwinywu ducu, pien kon wutam kit tic madito ma en otiyo piwu. 1 SAMUEL 12:24

Ryeko oa ki kwene? dok kabedo me niang tye kwene? Dok bot dano owaco ni, “Nen, lworu Rwot en aye ryeko; ki me weko gin marac en aye niang. JOB 28:20,28

Lworu Rwot len, ri nakanaka, nolo kop pa Rwot tye me ada, dok tye atir ducu. JABULI 19:9

Wek jo ma i wi lobo ducu guwor Rwot, wek jo ducu ma gibedo i wi lobo gubed ki lworu i kome. JABULI 33:8

Wulwor Rwot, wun jone malen, pien jo ma gilworo en pe gimito gin mo. Wubin, wun litino, wuwiny lokka, abipwonyowu kit me lworu Rwot. Dano ana ma mito kwo, dok maro kare malac wek onong gin maber? Gwok lebi pe ilok lok marac, ki dogi bene pe ilok lok goba. Gwokke woko ki i gin marac, iti gin maber; yeny kuc, dok ilub kore. JABULI 34:9,11-14

Lworu Rwot aye acakki me ryeko, jo ducu ma gitiyo gin ma en ociko gitye ki nian maber. JABULI 111:10

Wun jo ma wulworo Rwot, wuket genwu i kom Rwot, en aye lakonygi ki kwotgi. En bimiyo gum i kom jo ma gilworo Rwot, jo matino wa ki jo madito. JABULI 115:11,13

Jo ma gilworo Rwot myero guwac ni, “Kicane bedo nakanaka.” JABULI 118:4

Kadi bed ni labalo otimo gin marac tyen miya acel, ci kwone medde, ento aneyo ni jo ma gilwor Lubana gibibedo maber, ento pe bibedo ber bot jo maraco, dok kwone pe bimedde, ma bedo calo tipu; pien en pe lwor i nyim Lubana. LATIT 8:12-13

Wek wawiny lok man ducu: Lwor Lubana, dok igwok cikke, pien man aye tic pa dano ducu. Pien Lubana binolo kop i kom tic ducu ma watimo, ki gin ducu ma watimo i mun, kadi ber nyo rac. LATIT 12:13-14

Rwot tye ki dit; pien en bedo i wi got: en opono Cion ki nolo kop ki kit ma atir. Ryeko ki nec bimiyo karenii cung matek, ki tek me larre, lwor Rwot aye lonyone. ICAYA 33:5-6

Wuwor dano ducu. Mar omege. Lwor Lubanga. Wuwor kabaka. 1 PETERO 2:17

Owaco ki dwan malono ni, “Wulwor Lubana, wumi deyo bote; pien kare me nolo kop don oromo: don wuwor en ma yam oketo polo ki lobo ki nam ki wan pii ducu.” YABO 14:7

Lwor Rwot aye acakki me nec, ento lumin gicayo ryeko ki pwony. CAROLOK 1:7

Pe itam ni in ryek, ilwor Rwot, ci iwek gin marac. Bibedo yot kom pi cin-ni, dok bibedo cak kom cogo. CAROLOK 3:7-8

Lwor Rwot en aye kwero gin marac: wakke ki wakke, ki yo marac, ki doge ma goba, aye adag. CAROLOK 8:13

Lworo Rwot aye acakki me ryeko, dok n̄eyo gin maleŋ en aye niaŋ.
CAROLOK 9:10-11

Lworo Rwot medo kare me kwo, ento mwaka pa jo maraco gijwiko
doko cek. CAROLOK 10:27

Lworo Rwot aye bedo ki gen matek, ci litinone gibibedo ki kabedo
me gwokke. Lworo Rwot aye pii me kwo, me bwot ki i owic me to.
CAROLOK 14:26-27

ber ka itye ki lworo i kom Rwot, kato lonyo madwong ma nongo
itye ki can. Lworo Rwot aye pwony me ryeko; ki ma peya ki miyo
woro tye mwolo. CAROLOK 15:16,33

Pi kica ki ada bal gikwanyo woko, dok pi lworo Rwot dano weko gin
marac. CAROLOK 16:6

Lworo Rwot miyo kwo bedo maber; pe gibitimo gin marac i kome.
CAROLOK 19:23

Pi mwolo ki lworo Rwot kelo lonyo, deyo ki kwo. CAROLOK 22:4

Pe iwek cwinyi onen i kom lubalo, ento bed i lworo Rwot nino
ducu. Pien ada tye agiki; ki gen ma itye kwede pe obi rweny woko.
CAROLOK 23:17-18

Owaco bot luŋolkop ni, “Wugwokke i gin ma wutiyo, pien pe
wuŋolo kop pi dano, ento pi Rwot ma tye kwedwu i ŋolo kop.” Pi
meno kombeddi doŋ wuwek lworo Rwot obed i komwu; wugwokke
wuti, pien pe tye bal mo i kom Rwot Luban̄awa, kadi wa poko kin
dano, nyo gamo mot mo. 2 TEKWARO 19:6-7